



類函 百三四



二百九六五 二百九七六

4加3
427
134



門 4 3
號
卷




新念圖

此係明治
卅八年
八月
廿八日
諸田
山田
君
以
所
購
贈

新念圖



Faint text impression, likely bleed-through from the reverse side of the page.



淵鑑類函卷二百九十六

人部五十五 諫

諫一

原尚書曰官師相規工執藝事以諫又曰每歲孟春適
 人以木鐸徇于路其或不恭邦有常刑 又曰惟木從
 繩則正后從諫則聖 周官曰保氏掌諫王惡而養國
 子以道 禮記曰為人臣禮不顯諫三諫而不聽則逃
 之子之事親也三諫而不從則號泣而隨之 又曰父
 母有過下氣怡色柔聲以諫諫若不入起敬起孝悅則
 復諫 孔子曰事君遠而諫則調也近而不諫則尸利

人部

淵鑑類函卷二百九十六

諫

也 白虎通曰諫者間也更也是非相間革更其行也
諫有五其一曰諷諫二曰順諫三曰闕諫四曰指諫五
曰陷諫諷諫者智也知患禍之萌睹其未然而諷告焉
順諫者仁也出辭遜順不逆君心闕諫者禮也視君顏
色不悅且却悅而復前以禮進退指諫者信也指者質
也質相其事陷諫者義也言國之害忘生為君不避喪
身故孔子曰諫有五吾從於諷云云詳諷 說苑曰有
能盡言於君用則留不用則去謂之諫也

諫二

原左傳曰公將如棠觀魚者臧僖伯諫曰凡物不足以

講大事其材不足以備器用則君不舉焉故春蒐夏苗
秋獮冬狩皆於農隙以講事也若夫山林川澤之實器
用之資阜隸之事官司之守非君所及也公曰吾將畧
地焉遂往陳魚而觀之僖伯稱疾不從 又曰宋華父
督以郟大鼎賂公納於太廟非禮也臧哀伯諫曰君人
者將昭德塞違以臨照百官猶懼或失之故昭令德以
示子孫百官於是乎戒懼而不敢易紀律今滅德立違
而寘其賂器於太廟以明示百官百官象之其又何誅
焉國家之敗由官邪也官之失德寵賂彰也郟鼎在廟
彰孰甚焉 又曰晉侯假道於虞以伐虢宮之奇諫曰

號虞之表也號亡虞必從之晉不可啟寇不可翫一之謂甚其可再乎諺所謂輔車相依唇亡齒寒者虞號之謂也 又曰晉師爲楚所敗荀桓子請死晉侯欲許之士貞子諫曰不可林父之事君也進思盡忠退思補過社稷之衛也若之何殺之夫其敗也如日月之食焉何損於明晉侯使復其位 逸禮曰衛史鮒病且死謂其子曰我死治喪於北堂吾生不能進蘧伯玉而退彌子瑕是不能正君也生不能正君者死不能成禮死而置尸於北堂於我足矣靈公往弔問其故其子以父言聞於公公失容曰吾失矣立台蘧伯玉而貴之召彌子瑕

而退之徙喪於堂成禮而後去 晏子曰景公有所愛槐令吏守之犯槐者死有過而犯之者君令吏收而拘之將加罪焉晏子諫曰君窮民財力繁鐘鼓之樂極宮室之觀犯槐者死刑殺不稱賊民之深者也君饗國德行未見於衆而刑辟著於國嬰恐其不可以莅國子民也公曰善罷守槐之役出犯槐之囚 又曰景公爲臺臺成又欲爲鐘晏子諫曰君今旣已築臺矣又斂於民而爲鐘則民必哀矣斂民哀以爲樂不祥非所以君民也公乃止 又曰景公畋十有八日而不反晏子往見公比至衣冠盡不正望遊而馳公見逆勞曰夫子何爲

遽至國家得無有故乎晏子對曰無恙也雖然嬰願有復也國人皆以君安野而不安國好獸而惡人無乃不可乎公於是罷田即日歸 說苑曰晏子復於景公曰朝居嚴乎公曰朝居嚴則曷害於治國家哉晏子對曰朝居嚴則下無言下無言則上無聞矣下無言則謂之暗上無聞則謂之聾聾暗非害治國家而何且合升斗之穀以滿倉廩泰山之高非一石也累卑然後高也夫治天下者非用一士之言也 呂氏春秋曰衛靈公天寒鑿池苑春諫曰天寒起役恐傷民公曰天寒乎哉苑春曰公衣狐裘坐熊席是以不寒今民衣敝不補民則

寒矣公曰善令罷役 王孫子新書曰楚莊王攻宋廚有臭肉罇有敗酒將軍子重諫曰今君厨肉臭而不可食罇酒敗而不可飲而三軍之士皆有饑色欲以勝敵不亦難乎王曰善 又曰楚莊王坐章華之臺侍御數百隋珠照日羅衣從風孫叔敖入諫曰昔桀紂行此而亡今四境內侵諸侯加兵土地日削百姓乖離今君內寵無乃太盛與王再拜曰寡人過矣微子之言社稷幾傾於是出宮女之不進者數百人百姓大悅 說苑曰楚莊王築層臺延石千重延壤百里諫者七十二人皆死矣有諸御已入諫曰昔虞不用宮之奇而晉并之曹

不用億負羈而宋并之吳不用子胥而越并之桀殺關龍逢而湯得之紂殺比干而武王得之遂趨出王遽追之曰吾用子之諫先是說寡人者不足動寡人之心故皆至死明日出令有能入諫者吾與爲兄弟廢層臺罷民 又曰楚莊王立三年不聽朝令於國曰寡人惡爲人臣諫其君者有諫即死無赦蘇縱曰處君之高爵食君之厚祿愛死而不諫則非忠臣也乃入諫王立鼓鐘之間左伏楊姬右擁越姬曰吾鼓鐘不暇何諫之聽縱曰臣聞之好樂者迷荆國亡無日矣王曰善左執縱手右抽佩刀刎鐘鼓之懸明日授縱爲相 又曰晉靈公

造九層臺費用千億謂左右曰敢有諫者斬孫息乃諫曰臣能累十三搏碁加九雞子其上公曰吾少學未嘗見也子爲寡人作之孫息即以碁子置其下加九雞子其上左右懼公扶伏氣息不續曰危哉危哉孫息曰臣謂是不危也復有危此者公曰願見之孫息曰九層之臺三年不成男不得耕女不得織國用空虛戶口減少吏民叛亡鄰國謀議將興兵社稷一滅君何所望公曰寡人之過乃至於此即壞九層之臺 呂氏春秋曰越饑請食於吳子胥諫曰不可與也夫吳之與越接土鄰境道易人通仇讐敵戰之國非吳喪越越必喪吳今

將輸之粟是長吾仇讐財匱民怨悔無及也吳王不從後吳饑請於越越弗與反攻之夫差為禽 史記曰趙肅侯遊大陸出於鹿門大戊午扣馬曰耕事方急一日不作百日不食肅侯下車而謝之 又曰始皇長子扶蘇諫曰天下初定遠方黔首未集今皆重法繩之臣恐天下不安唯上察之始皇怒使扶蘇北監蒙恬於上郡 又曰沛公入秦宮室幃帳重寶狗馬婦女以千數意欲留居之樊噲諫不聽張良諫曰夫秦為無道故沛公得至此夫為天下除殘賊宜縞素為資今始入秦即安其樂此所謂助桀為虐也且忠言逆耳利於行良藥苦

口利於病沛公乃還軍霸上 又曰高帝欲以趙王如意易太子叔孫通諫曰太子仁孝天下皆聞之呂后與陛下攻苦食淡其可背哉必欲廢適而立少臣願先伏誅以頸血汚地帝曰公罷矣吾特戲耳叔孫通曰太子者天下根本本一搖天下振動奈何以天下戲 漢書曰鄧都景帝時為中郎將敢直諫面折大臣於朝嘗從入上林賈姬在廁野彘入廁上欲自持兵救賈姬都伏上前曰亡一姬復一姬進陛下縱自輕奈宗廟太后何太后聞之賜都金百斤上亦賜金百斤 漢武故事曰汲黯諫上曰陛下愛才樂士求之無倦比得一人勞心

苦神未盡其用輒已殺之以有限之士資無已之誅陛下欲誰與爲治乎漢書曰薛廣德敢直言諫諍上幸甘泉因留射獵廣德上書曰竊見關東困極民人流離陛下日撞亡秦之鐘聽鄭衛之樂臣誠悼之今士卒暴露從官勞倦願陛下亟反宮思與百姓同憂樂天下幸甚上即日還又曰梅福上書諫成帝曰天下之士民有上書求見者輒使詣尚書問其所言言可採取者秩以斗升之祿賜以一束之帛若此則天下之士發憤懣吐忠言嘉謀日聞於上天下之條貫國家之表裏爛然可睹矣又曰哀帝時杜欽諫曰臣聞非仁無以廣施

非義無以正身今漢承周秦之弊宜抑文尚質表實去僞臣竊有所憂言之拂心逆耳不言則漸日長禍不細臣聞翫色不厭必生好憎之心好憎之心生即愛寵偏於一人汝南先賢傳曰建武八年車駕西征隗囂郭憲諫曰天下初定車駕未可以動憲乃當車拔佩刀以斷車鞅一作鞅帝不從遂上隴其後潁川兵起乃迴駕而還帝歎曰恨不用郭憲之言東觀漢記曰張湛爲光祿大夫數諫湛常乘白馬上每有異政輒言白馬生且復諫矣謝承後漢書曰陳蕃諫桓帝曰當今之世有三空田野空朝廷空倉庫空是謂三空加之兵戎未戢

四方離散是陛下焦心毀顏坐而待旦之時也豈宜揚旗耀武騁心輿馬之觀乎 魏畧曰太祖欲征吳而雨霖三軍多不願行太祖知其然恐外有諫者教曰今雖戒嚴未知所之有諫者死賈逵乃諫太祖怒收逵送獄 魏志曰辛毗字佐治能直諫文帝踐祚為侍中帝欲徙冀州十萬戶實河南時旱蝗民饑毗與朝臣俱求見帝知其欲諫作色以見之皆莫敢言毗曰陛下欲徙其計安出帝曰卿謂我徙之非耶毗曰誠以為非也帝曰吾不與卿共議也帝起入內毘隨而引其裾帝遂奮衣不還良久乃出曰卿持我何太急耶毘曰今徙既失民

心又無以食也帝遂徙其半 吳志曰孫權既為吳王懼宴之末自起行酒虞翻伏地佯醉不持權去翻起坐權於是大怒手劔欲擊之侍坐者莫不惶遽唯大司農劉基起抱權諫曰大王以三爵後殺善士雖翻有罪天下孰知之且大王以能容賢故海內望風今一朝棄之可乎翻由是得免 **釋** 經濟類編曰宋明帝以故第為湘宮寺備極壯麗欲造十級浮圖而不能乃分為二新安太守巢尚之罷郡入見帝謂曰卿至湘宮寺未此是我大功德用錢不少通直散騎侍郎虞愿侍側曰此皆百姓賣兒貼婦錢所為佛若有知當慈悲嗟愍罪高浮

圖何功德之有侍坐者失色帝怒使人驅下殿愿徐去
無異容又帝好圍碁碁甚拙與第一品彭城丞王抗圍
碁抗假借之曰皇帝飛碁臣抗不能斷帝終不悟好之
愈篤愿曰堯以此教丹朱非人主所宜好也帝雖怒甚
以原王國舊臣每優容之 又曰北魏中書侍郎高允
好切諫朝廷事有不便允輒求見高宗嘗屏左右以待
之或自朝至暮或連日不出羣臣莫知其所言語或痛
切高宗所不忍聞命左右扶出然終善遇之時有上事
為激訐者高宗省之謂羣臣曰君父一也父有過子何
不作書於衆中諫之而於私室屏處諫者豈非不欲其

父之惡彰於外邪至於事君何獨不然君有得失不得
面陳而上表顯諫欲以彰君之短明己之直此豈忠臣
所為乎如高允者乃真忠臣也朕有過未嘗不面言至
有朕所不堪聞者允皆無所避朕聞其過而天下不知
可不謂忠乎允為郎二十七年不徙官高宗謂羣臣曰
汝等雖執弓刀在朕左右徒立耳未嘗有一言規正唯
伺朕喜悅之際祈官乞爵今皆無功而至王公允執筆
佐我國家數十年為益不少不過為郎汝等不自愧乎
乃拜允中書令 又曰魏徵容貌不逾中人而有膽畧
善回人主意每犯顏苦諫或逢太宗怒甚徵神色不移

太宗亦為審威嘗謁告上冢還言於太宗曰人言陛下欲幸南山外皆嚴裝已畢而竟不行何也太宗笑曰初實有此心畏卿嗔故中輟耳太宗嘗得佳鷄自臂之望見徵來匿懷中徵奏事故久不已鷄竟死懷中又曰太宗宴近臣於丹霄殿長孫無忌曰王珪魏徵昔為仇讐不謂今日同得此宴太宗曰徵珪盡心所事故我用之然徵每諫我不從我與之言輒不應何也魏徵對曰臣以事為不可故諫若陛下不從而臣應之則事遂施行故不敢應太宗曰且應而復諫庸何傷對曰昔堯戒羣臣爾無面從退有後言臣心知其非而口應陛下乃

面從也豈稷契事舜之意邪太宗大笑曰人言魏徵舉止疎慢我視之更覺嫉媚正為此耳徵起拜謝曰陛下開臣使言故臣得盡其愚若陛下拘而不受臣何敢數犯顏色乎太平御覽曰太宗問褚遂良曰舜造漆器禹雖其祖當年諫舜禹者十餘人食器之間苦諫何也遂良對曰雕琢害農事組纂傷女工首創奢淫危亡之漸漆器不已必金為之金器不已必玉為之所以諍臣必諫其漸及其滿盈無所復諫太宗以為然經濟類編曰太宗好文學而辯敏羣臣言事者上引古今以折之多不能對劉洎上書諫曰帝王之與凡庶聖哲之與

庸愚上下相懸擬倫斯絕陛下降恩旨假慈顏凝旒以聽其言虛襟以納其說猶恐羣下未敢對跋况動神機縱天辯飾辭以折其理引古以排其議欲令凡庶何階應答至如秦政強辯失人心於自矜魏文宏才虧衆望於虛說此才辯之累較然可知矣太宗飛白答之曰非慮無以臨下非言無以述慮比有談論遂至煩多輕物驕人恐由茲道形神心氣非此爲勞今聞讜言虛懷以改彙苑曰韓休峭直於時政得失言之未嘗不盡元宗嘗獵苑中或大張樂所過差必視左右曰韓休知否已而疏輒至嘗引鑑默默不樂左右曰自韓休爲相墜

下無一日歡何不逐之帝曰吾貌雖瘦天下必肥且蕭嵩啟事必順旨我退而思天下不安寢韓休敷陳治道多訐直我退而思天下寢必安吾用休社稷計耳唐書曰陸贄勸德宗於羣臣參日使極言得失聽納無倦兼天下之智以爲聰明帝曰朕豈不推誠然上封者惟譏斥人短長類非忠直又諫者不密要須歸曲於朕以自取名朕見言事多矣大抵雷同道聽加質則窮故頃不詔次對豈曰倦哉贄退而上疏極言不可帝頗采納又曰憲宗初李絳言古帝王以納諫爲聖拒諫爲昏今不聞進規納忠何以知天下事帝曰韋處厚路隋數

上疏其言忠切顧卿未知爾由是中外推其靖密 經
濟類編曰憲宗每有軍國大事必與諸學士謀之嘗踰
月不見學士李絳等上言臣等飽食不言其自為計則
得矣如陛下何上遂召對白居易因論事言陛下錯矣
上變色而罷密召絳謂曰居易小臣不遜須令出院絳
曰陛下容納直言故羣臣敢竭誠無隱居易言雖少戇
志在納忠陛下今日罪之臣恐天下各思箝口非所以
廣聰明昭聖德也上悅待居易如初上嘗欲近獵苑中
至蓬萊池西謂左右曰李絳必諫不如且止絳嘗面陳
吐突承瓘專橫語極懇切上作色曰卿言太過絳泣曰

陛下置臣於腹心耳目之地若臣畏避左右愛身不言
是臣負陛下言之而陛下惡聞乃陛下負臣也上怒解
曰卿所言皆人所不能言真忠臣也他日盡言皆應如
是 唐書曰敬宗將幸東都大臣切諫帝恚曰朕意決
矣雖從官宮人自挾饌無擾百姓趣有司檢料行宮中
外莫敢言裴度從容奏國家建別都本備巡幸自艱難
以來宮闕署屯百司之區荒圯弗治假歲月完新然後
可行倉卒無備有司且得罪帝悅曰羣臣諫朕不及此
如卿言誠有未便安用往耶 又曰劉栖楚敬宗時為
右拾遺敬宗視朝常晏數游畋失德栖楚極諫額叩龍

堀血被面李逢吉傳詔毋叩頭待詔旨栖楚捧首立帝
動容揚袂使去栖楚曰不聽臣言請死於此有詔慰諭
乃出 太平御覽曰文宗時魏謩爲起居舍人紫宸入
謝名誠之曰事有不當亟須論奏謩曰臣頃爲諫官合
伸規諷今居史職職在記言不敢越職踰分帝曰凡兩
省官並合論事勿拘此言 又曰謩儀容魁偉言論切
直與同列上前言事他宰相必委曲規諷唯謩謹言無
所畏避宣宗每曰魏謩綽有祖風 經濟類編曰宣宗
欲幸華清宮諫官論之甚切上爲之止上樂聞規諫凡
諫官論事門下封駁苟合於理多屈意從之得大臣章

疏必焚香盥手而讀之 又曰宋真宗時寇準爲樞密
直學士嘗奏事殿中語不合帝怒起準輒引帝衣請復
坐事決乃退帝嘉之及旱蝗帝召近臣問以得失衆以
天數對準曰洪範天人之際應若影響大旱之證蓋刑
有所不平也帝怒起入禁中頃之復召準問以不平狀
準曰願名二府至臣即言之二府入準乃曰頃者祖吉
王淮皆侮法受賕吉贓少乃伏誅淮以參政汚之弟盜
主守財至千萬止杖之仍復其官非不平而何帝以問
沔沔頓首謝於是切責沔而以準爲可大用遂命爲樞
密副使 宋史曰真宗嘗謂李沆曰田錫直臣也朝廷

少有闕失方在思慮錫之章奏已至矣若此諫官亦不可得錫耿介寡合未嘗趨權貴之門居公庭危坐終日無懈容慕魏徵李絳之爲人以盡規獻替爲已任嘗曰吾立朝以來章疏五十有二皆諫臣任職之常言苟獲從幸也豈可藏副示後謗時賣直邪悉命焚之宋史紀事曰真宗自封禪之後士大夫爭奏符瑞獻贊頌崔立獨言水發徐兗旱連江淮無爲烈風金陵大火是天所以戒驕矜也又曰仁宗廢皇后郭氏敕臺諫章奏不得入於是中丞孔道輔諫官范仲淹御史蔣堂等詣垂拱殿伏奏殿門闔不爲通道輔扣環大呼呂夷簡奏

言伏閣請對非太平美事遂出道輔仲淹於外宋史曰何郊爲殿中侍御史言事無所避仁宗曰古有碎首諫者卿能之乎對曰古者君不從諫則臣有碎首今陛下受諫如流臣何敢掠美而歸過君父帝欣納之又曰唐介劾宰相除擬張堯佐兼四使并言文彥博緣闈侍通宮掖以得執政今顯用堯佐益自固結又言諫官吳奎表裏觀望語甚切直帝怒其奏不視且言將遠竄介徐讀畢貶春州別駕改英州梅堯臣李師中皆賦詩激美由是直聲動天下士大夫稱真御史必曰唐子方而不敢名經濟類編曰仁宗時孫沔上言自孔道輔

范仲淹被黜凡在縉紳盡懷緘默乞少霽天威用存國體疏入責知衡山縣汚未知有責命復上書曰深宮之中侍左右者刀鋸之餘悅耳目者豔冶之色宸禁畫嚴乘輿天遠未見款名名臣清問外事詢祖宗之紀綱質朝廷之得失徒修簡易之名未益承平之化書奏再責永州酒務 宋史紀事曰翰林學士范鎮言孔文仲對策草茅疎遠不識忌諱且以直言求之而又罪之恐為聖明之累不聽鎮以言不用乞致仕復極論青苗之害且曰陛下有納諫之資大臣進拒諫之計陛下有愛民之性大臣用殘民之術疏入王安石大怒自草制極詆

之遂以戶部侍郎致仕鎮謝表畧曰願陛下集羣議為耳目以除壅蔽之奸任老臣為腹心以養中和之福天下聞而壯之 又曰鄭俠以言事得罪編管汀州御史臺吏楊忠信謁俠曰御史緘默不言而君上書不已是言責在監門而臺中無人也取懷中名臣諫疏二帙授俠曰以此為正人助 又曰哲宗初政詔百官言朝政闕失榜於朝堂時大臣有不悅者設六事於詔語中以禁遏之曰若陰有所懷犯非其分或扇搖機事之重或迎合已行之令上以觀望朝廷之意以僥倖希進下以眩惑流俗之情以干取虛譽若此者必罰無赦太后封

洪鑑卷之三十九
五
詔草示司馬光光曰此非求諫乃拒諫也人臣惟不言
言則入六事矣 經濟類編曰哲宗劉妃多材藝有盛
寵既構廢孟后章惇與內侍郝隨等相結請妃正位中
宮時帝未有儲嗣會妃生子茂帝大喜遂立焉鄒浩以
數論事帝親擢爲右正言乃上疏言賢妃與孟后爭寵
而孟后廢今立之殊累聖德乞追停冊禮帝曰此祖宗
故事豈獨朕耶蓋指真宗立劉德妃也浩對曰祖宗大
德可法者多矣陛下不之取而効其小疵耶帝變色持
其章躊躇若有所思因付於外明日章惇詆其狂妄除
名勒停羈管新州初陽翟田畫議論慷慨與浩以氣節

相激厲劉后立畫謂人曰志完不言可以絕交矣浩既
得罪畫迎諸途浩出涕畫正色責之曰使志完隱默官
京師遇寒疾不汗五日死矣豈獨嶺海之外能死人哉
願君母以此舉自滿士所當爲者未止此也浩茫然自
失謝曰君贈我厚矣 又曰孝宗時劉珙自湖南召還
初入見帝首論獨斷雖英主之能事然必合衆智而質
之以至公然後有以合乎天理人心之正而事無不成
若棄僉謀徇私見而有獨御區宇之心則適所以蔽四
達之明而左右私昵之臣將有乘之以干天下之公議
帝嘉納之授翰林學士復上言世儒多病漢高帝不悅

學輕儒生臣以爲高帝所不悅者特腐儒俗學耳使當時有以二帝三王之學告之知其必敬信功烈不止此因陳聖王之學以明理正心爲萬事之綱帝稱善又曰知南康軍朱熹疏言今宰相臺省師傅賓友諫諍之臣皆失其職而陛下所與親密謀議者不過一二近習之臣上以蠱惑陛下之心志下則招集天下士大夫之嗜利無恥者盜陛下之權竊陛下之柄使陛下之號令黜陟不復出於朝廷而出於一二人之門名爲陛下獨斷而實此一二人者陰執其柄臣恐莫大之禍必至之憂近在朝夕而陛下獨未知之帝讀之大怒曰是以我

爲亡也諭趙雄令分析雄言於帝心之好名陛下疾之愈甚則人之譽之愈衆不若因其長而用之彼漸當事任能否自見矣帝以爲然詔以熹提舉江西常平茶鹽宋史紀事曰光宗久不朝重華宮百官力請不聽中書舍人陳傅良等上疏極言之帝感悟趣命駕往朝百官班立以俟帝出至御屏李后挽留帝入曰天寒官家且飲酒百官侍衛相顧莫敢言傅良趨進引帝裾請母入因至屏後后叱曰此何地秀才欲斫頭邪傅良痛哭於庭后使人問曰此何理也傅良曰子諫父不聽則號泣而隨之后益怒遂傳旨罷還內金史曰陳規字

人部

洪鑑類函卷三百九十六

諫

正叔貞祐時為監察御史宣宗嘗召文繡署令王壽孫作大紅半身繡衣且戒勿令陳規知及成進召壽孫問曰曾令陳規知否壽孫頓首言臣侍禁庭凡宮中大小事不敢為外人言况親被聖訓乎上因歎曰陳規若知必以華飾諫我我實畏其言蓋規言事不假借朝望甚重凡宮中舉事上必曰恐陳規有言一時近臣切議惟畏陳正叔云元史曰桑哥當國引用黨與鈎考天下錢穀中外騷動廷臣莫敢言者徹里乃於帝前具陳桑哥姦狀辭語激烈帝怒謂其詆毀大臣命左右批其頰徹里辯愈力且曰臣與桑哥無讐所以力數其罪而不

顧身者正為國家計耳苟畏聖怒而不敢言則奸臣何由而除民害何由而息帝悟命帥羽林籍桑哥家按誅之又曰不忽木叅議中書省事時盧世榮阿附桑哥言能用已則國賦可十倍於舊帝以問不忽木對曰自昔聚斂之臣如桑弘羊宇文融之徒操利術以惑時君始莫不謂之忠及其罪稔惡著國與民俱困雖悔何及臣願陛下無納其說帝不聽及世榮以罪被誅帝語之曰朕殊愧卿又曰有江南人言宋宗室反者命遣使捕至闕下使已發阿魯渾薩理趣入諫曰言者必妄使不可遣帝曰卿何以知之對曰若果反郡縣何以不知

言者不由郡縣而言之闕庭必其仇也且江南初定民疑未附一旦以小民浮言輒捕之人人自危徒中言者之計帝悟召使者還俾械繫言者下郡治之立伏果以嘗貸錢不從誣之帝曰非卿言幾誤 經濟類編曰元武宗時阿沙不花見帝容色日悴乘間進曰陛下八珍之味不知御萬金之身不知愛而惟麴蘖是耽妃嬪是好是猶兩斧伐孤樹未有不顛仆者陛下縱不自愛獨不思祖宗付託之重天下仰望之切乎帝悅曰非卿孰為朕言因命進酒阿沙不花頓首謝曰臣方欲陛下節飲而反勸之是臣之言不信於陛下也臣不敢奉詔左

右皆賀帝得直臣 又曰元英宗欲以元夕張燈禁中為鰲山時張養浩以禮部尚書叅議中書省事遂具疏因拜住以諫曰世祖臨御三十餘年每值元夕閭閻之間燈火亦禁况闕廷宮掖之嚴遠尤當戒慎今燈山之構所翫者小所繫者大所樂者淺所患者深帝大怒既而喜曰非張希孟不敢言即罷之賜養浩尚服金織幣一帛一以旌其直 元史曰英宗從容謂拜住曰朕思天下之大非朕一人思慮所及汝為朕股肱毋忘規諫以輔朕之不逮拜住頓首曰臣等敢不竭忠然事言之則易行之則難惟陛下力行臣等不言則臣等之罪帝

嘉納之 又曰帝嘗謂拜住曰今亦有如唐魏徵之敢
諫者乎對曰盤圓則水圓孟方則水方有太宗納諫之
君則有魏徵敢諫之臣帝善之 明紀事本末曰洪武
時以五星紊度日月相刑下詔求言山西平遙訓導葉
居升聞詔謂人曰今天下有三事其二事易見而患小
其一事難知而患大此三者積於吾心久矣况有明詔
乎乃上言臣觀當今之事太過者有三曰分封太多也
曰用刑太繁也曰求治太速也書奏逮問瘦死獄中
又曰洪武十年詔天下臣民言事得實封直達御前
又曰仁宗時大理寺少卿戈謙言事過激呂震等交奏

其沽名上頗厭之因免謙朝參楊士奇進曰四方朝覲
之臣咸在豈能盡知謙過傳之於遠將謂朝廷不能容
直言上惕然曰此呂震誤朕也遂命士奇書敕引過而
待謙如初 又曰宣宗征高煦旋師駐驛獻縣陳山勸
上移師彰德襲執趙王令楊士奇草詔士奇曰事須有
實天地鬼神豈可欺哉且勅旨以何為辭又謂蹇義夏
原吉等曰太宗皇帝惟三子今上親叔二人一人有罪
者不可恕其無罪者當厚之庶幾仰慰皇祖在天之靈
蹇義以士奇言白上不懌然亦不復言移兵矣 獻徵
錄曰鍾同為御史景帝時積陰晦求直言同上章言父

有天下固當傳之於子然太子薨逝則知天命有在皇儲未建國本無依太上皇於皇上友愛甚周上皇之子兄弟之子猶子也伏惟擇日行禮復其儲位天下幸甚帝不憚後數日禮部郎中章綸繼以復儲言有旨鞫訊蔓辭連及並下錦衣獄明年南京大理少卿廖莊亦先議及儲事至是以考績來上憤其言下獄被杖左右曰皆鍾同倡論乃封大杖入徑杖至百同死獄中明紀事本末曰天順間御史楊瑄劾太監曹吉祥忠國公石亨奪民田且言怙寵擅權之罪上顧徐有貞李賢曰御史敢言如此國家之福也吉祥在旁慚懼盛怒欲罪之

上不許又曰孝宗時王恕為吏部尚書遇事敢言時有建白衆議謂業已行矣恕言天下事苟未得其當雖十易之不為害若謂已行不及改則古之納諫如流豈皆未行乎又曰孝宗召大學士劉健等議曰講事上曰講書須推明聖賢之旨直言無諱若恐傷時過為隱覆不盡雖曰進講亦何益乎且先生輩與翰林諸官是輔導之職皆所當言健對曰臣等若不敢言則其餘百官無復敢言者矣上曰然又曰戶部主事李夢陽上書指斥弊政反覆數萬言內指外戚壽寧侯尤切至疏入皇后母金夫人及張鶴齡深恨之日泣訴於上前上

不得已下夢陽獄科道交章論救金夫人猶在上前泣
 涕求加重刑上怒推案起既而法司具獄詞以請上徑
 批夢陽復職一日劉大夏被召便殿奏事畢上曰近日
 外議如何大夏曰近釋李夢陽中外歡呼至德如天地
 上曰夢陽疏內張氏二字張氏指外戚猶言張家也左右謂其語涉
 皇后朕不得已下之獄比法司奏上朕試問左右作何
 批行一人曰此人狂妄宜杖釋之朕揣知此輩欲重責
 夢陽致死以快宮中之忿朕所以即釋復職更不令法
 司擬罪也大夏頓首曰陛下行此一事堯舜之仁也
 又曰武宗初內侍劉瑾與其黨八人為狗馬鷹犬歌舞

角觝以娛帝瑾尤獍黠漸用事戶部尚書韓文每退朝
 對僚屬言輒泣下郎中李夢陽曰比言官章入交劾諸
 內侍章下閣閣下持劾章甚力公誠及此時率諸大臣
 死爭去瑾輩易耳文捋鬚昂肩毅然曰是也即事勿濟
 吾年足死矣不死不足以報國乃囑夢陽具疏草曰毋
 文文覽弗省也毋多覽弗竟也疏具遂合九卿諸大
 臣上言請將太監馬永成谷大用張永羅祥魏彬劉瑾
 丘聚高鳳等縛送法司以消禍萌疏入上驚泣不食諸
 閣大懼先是科道交章請除羣奸閣議持章不肯下諸
 閣已窘會諸大臣疏又入於是上遣司禮監八人齊詣
 人部

閣議一日三至健等卒持不下明日命諸大臣入傳諭
曰諸大臣愛君憂國言良是第奴儕侍上久不忍即置
之法幸少寬之上自處耳衆相顧莫敢出一語韓文曰
今海內民窮盜起天變日增羣小輒導上游宴無度荒
棄萬幾文等備員卿佐何忍無言是日諸閣益窘自求
安置南京而閣議又持不從時王岳與司禮太監范亨
徐智等亦助文等密奏上上不得已允之待明旦發旨
捕瑾等下獄而吏部尚書焦芳者故與瑾善遂以所謀
泄之瑾瑾等八人遂夜趨上前環跪哭曰害瑾等者岳
也於是立命劉瑾入掌司禮監丘聚等分據要任瑾傳

命榜岳亨智逐之南京而外廷未知也晨伏闕則旨下
健等知事不可爲各上疏求去文等皆罷斥瑾矯詔以
劉健謝遷韓文等皆爲奸黨榜於朝堂 又曰武宗議
北征自稱威武大將軍太師鎮國公朱壽巡邊以江彬
爲威武副將軍扈行令內閣草敕大學士楊廷和梁儲
蔣冕毛紀上疏力諫且云萬一宗藩中援祖訓指此爲
言陛下何以應之又或以朝無正臣內有奸邪爲名陛
下之左右與臣等又何以自解不聽廷和遂稱疾不出
上御左順門召梁儲面趣令草制儲對曰他可將順此
制斷不可草上大怒挺劍起曰不草制茲此劍儲免冠

伏地泣諫曰臣逆命有罪願就死草制則以臣名君臣
死不敢奉命良久上擲劔去乃自稱之不復草制 又
曰正德十四年制下南巡上欲登岱宗歷徐揚至南京
臨蘇浙浮江漢祠武當徧觀中原時寧王宸濠久蓄異
謀人情洶洶翰林修撰舒芬等約羣臣上疏乞留俱會
闕下疏先後入上大怒下黃輦陸震等六人錦衣獄命
舒芬等百有七人跪午門外五日俱廷杖遷謫有差杖
死者十有餘人車駕竟不出 又曰世宗興獻議主張
璉桂萼之說伯孝宗而考興獻召百官至左順門敕曰
本生聖母章聖皇太后今更定尊號曰聖母章聖皇太

后後四日恭上册寶何孟春退草疏達旦語禮部侍郎
朱希周曰此禮復更禮官尤當爭之於是希周率郎中
余才江必東等上言皇上考孝宗母昭聖已越三年今
更定之論忽從中出則明詔爲虛文不足取信於天下
於是翰林寺部臺諫諸臣各上言力爭本生二字不宜
削章十三上俱留中不報金獻民徐文華倡言曰諸疏
留中必改孝宗爲伯考則太廟無考正統有間矣何孟
春曰憲宗朝尚書姚夔率百官伏哭文華門爭慈懿皇
太后葬禮此國朝故事也楊慎曰國家養士百五十年
仗節死義正在今日王元正張紳等遂遮留羣臣於金

水橋南曰萬世瞻仰在此一舉今日有不力爭者共擊之於是羣臣俱赴左順門跪伏有大呼高皇帝孝宗皇帝者帝聞命司禮監諭退羣臣仍伏不起自辰至午帝怒命收繫諸為首者豐熙張翀等八人于獄楊慎王元正乃撼門大哭一時羣臣皆哭聲震闕廷上大怒悉逮繫之於是編修王相等一百八十餘人各杖有差病創卒者凡十九人又曰嘉靖四十四年戶部主事海瑞上言陛下謬謂長生可得一意修元土木興作二十餘年不視朝政法紀弛矣數行推廣事例名器濫矣二王不相見人以為薄於父子以猜疑誹謗戮辱臣下人以

為薄於君臣樂西苑而不返大內人以為薄於夫婦今愚民之言曰嘉者家也靖者盡也謂民窮財盡靡有子遺也然而內外臣工修齋建醮相率進香天桃天藥相率表賀理之所無斷可見已民熙物洽薰為泰和陛下性中真藥也道與天通命由我立陛下性中真壽也疏上帝大怒命逮繫下鎮撫司

諫三

原后聖 臣直 上詳諫一漢書薛廣德為御史大夫直言諫諍上出便門欲御樓船廣德頓首曰宜從橋陛下不聽臣自刎以血汗車輪上不悅光祿大夫張猛進曰臣聞君聖臣直乘船危就橋安上乃從 當車 扣馬 尚書洪範五行傳昌邑王賀為帝天陰七日晝夜不見日月賀欲出

諫

刃欲自摩厲以斬王之淫慝漢書鄭崇為尚書僕射數
 從臨之以兵懼而從之驚曰吾懼君以兵罪莫大焉
 遂自補袞闕識履聲詩哀職有闕唯仲山甫補之
 別也諫爭上初納用之每見曳革面折頭軻謂漢書陳平
 履上笑曰我識鄭尚書履聲宗廟君不如我後漢書
 光武嘗欲出遊申屠剛以隴蜀未平不宜宴安逸豫不
 為見聽遂以頭乘輿輪帝遂無隱勿欺禮事君有
 論語注輔台德格君心注書朝夕納誨下見孟子造
 辟規王而毅梁傳古者造辟而言詭辭也危言危行
 啟心沃心啟乃見論語沃朕心不密則失有益則為
 不密則失臣身有密則失身禮為稽于眾逆于
 人臣者殺其身有益於君則為之有諫無訕余違汝弼
 心有言逆于汝心必求諸道

上見禮止妾為妻以規為瑱國語司馬子期欲以
 下見書史倚相曰吾有妾而願欲笄之其可乎對曰昔先大夫
 子囊違王命子夕嗜芟子木有羊讀而無芟薦君
 子尹而道從靈王登愛子反之勞也而獻飲焉以弊于
 子之欲其道也故進退周旋唯道之從夫子曰從而逆君
 若之欲乎期乃止楚薦吾子經楚國而欲薦芟以
 干之其可乎期乃止楚薦吾子經楚國而欲薦芟以
 病之其可乎期乃止楚薦吾子經楚國而欲薦芟以
 君之用也故言不穀雖不能用吾慙實之于耳對曰賴
 君象其可盡乎其又以巴蒲之犀解也傳言獻藝自王
 以下名有父兄子弟以補察其政史為書替為詩工誦
 箴諫大夫規誨士傳言庶人謗商旅於市百工獻藝故
 夏書曰道人以木鐸徇于路官師相規工執箴諫
 規誨上並見列士獻詩庶人傳語國語天子聽政使
 詩替獻典史獻書師箴賦矇誦百工諫庶人傳語近
 臣盡規親戚補察替史教誨者艾修之而後王斟酌焉

殿廷觀者皆流汗縮竦目之曰殿上虎
 俊初授刑部員外郎時妖僧繼曉被近侍
 疏極論請斬繼曉而點方言甚激烈憲宗
 死尋下詔對益厲論姚州判官比之言路
 禁不致作一語後直聲振海內人比之鳳
 惜臺綱論諫職元史文宗時臺臣嘗奏除
 紀則臺綱歸地矣文宗乃止惟宋史理宗
 入因論臺諫失職有云月課將臨筆不
 之異同揣摩情分厚薄可未決吞吐未能
 勇往而不顧者恭請聖駕之款介亦好異
 事文類聚慶曆中余靖歐陽修王素蔡襄為
 石介時范仲淹曰石介剛正天下所聞然性
 為諫官必以難行之事責人君以少拂其
 德折檻叩頭流血無所不為主上雖富有
 有普誕者嘗三以書勸鄒浩論孟后事浩
 不報及浩以

諫廢誕作玉山主人對客問以譏浩不能力
 孟后之廢而俟朝廷遇舉乃言為不知幾
 夜思身退言行諫官多朋黨論奏不實皆
 黜其尤者若何絳曰此非陛下意必儉人
 心自古納諫昌拒諫亡夫大臣進言豈易
 臣卑如地如有雷霆之威彼盡度夜思始
 而去五六及將以聞則又憚而削其半故
 二雖開納獎勸尚恐不至今乃欲謹詞之
 非社稷利也帝曰非卿言我不知統與獻
 陳讓以藩禮為御史肅皇以是統與獻太
 后仍以禮遇之兩宮以是統與獻太
 晚兩宮間將以禮遇之兩宮以是統與獻
 弟有罪東山讓度不可脫令其黨告變且
 究其罪東山讓度不可脫令其黨告變且
 翼併下獄讓從獄中言暴秦遷母下帝舜
 宗而東山乃敢公言暴秦遷母下帝舜
 伏誅讓得還職已而興獻后登遐山所
 天壽讓以藩王不宜入附皇陵乃借堪輿
 人部

洪鑑類書卷之九十一

諫

三

不可泄請以袞帔交拜便上初覽奏怒甚投疏於地少頃復取視曰此言亦是於是遂定不遷之議而執改從旁擠公竟賜罷然公身面折廷諍愛君憂國實默雖退而言則已行矣

嗜酒曰與大臣酣飲耶律楚材屢諫不聽乃持酒樽鐵口進曹愛君憂國之心豈有如此吾圖撒合里者耶救近臣曰汝曹愛君憂國之心豈有如此吾圖撒合里者耶救近臣合里者蓋國語長驕人也

武帝方招文學儒者曰吾欲云云黠對曰陛下內多欲而外施仁義奈何欲效唐虞之治乎上怒變色而罷朝公卿皆為黠懼上退謂人曰其矣汲黯之戇也

陸贄贄曰吾上無所負天子原匡救其惡彌縫其闕下不負所學他無所恤

風夜在公日月獻納一言興邦三進及

雷左傳晉靈公不君趙盾士季患之將諫士季曰諫而雷不入真之繼也會請先不入則子繼之三進及雷

而後視之曰直能寤主仁有殺身獻可替否吾知所過矣

治煩去惑門諍之道闕忠謹之門况當不諱之朝宜勵勿欺之節將表効於公忠豈敢辭於戮辱既非言遜之朝詎有身危之慮居常不能寤主臨難徒欲愛身辭親策名則將身許危君陷惡何以臣為讜言嘉謀匡其不及繩愆糾繆格其非心思紓國之難惟有盡忠奮振主之威如何無罪在於交友猶忠告而導之矧伊君臣實惡許為直者盡忠守死誠謂殺身之仁非罪陷刑是重納君之惡殷人守死雖曰比干之賢魯史正名終

人部

諫

書泄治之罪上詳殷本紀 **增**言切直則不用而身危

不切直則不可以明道類並經濟 愛其忤以拔忠賢

惡其順以去佞邪 黃帝立靈臺之議者上觀於賢

也 唐堯有衢室之問者下聽於人也通鑑前編黃帝始受河圖得其

五要乃設靈臺立五官以敘五事堯治天下五十載

不知天下治與不治乃微服遊於康衢聞童謠曰立我

識不知順帝之則 高祖舍周昌桀紂之譬 孝文嘉

袁盎人豕之譏漢書周昌嘗燕入奏事高帝方擁戚姬

也昌仰曰陛下即桀紂之主也於是上笑之文何如幸

上林皇后慎夫人從常同坐袁盎引御慎夫人坐夫人

怒不肯坐上亦怒盎因前說曰臣聞尊卑有序則上下

和今陛下既以立后慎夫人乃妾安主豈可以同坐哉

且陛下幸之則厚賜之陛下所以為慎夫人乃適所以

禍之也獨不見人豕乎於是上說入語慎夫人賜盎金

謂戚夫人也 口給者事或非信 辭屈者理或未窮

汲黯在廷以平津為多詐 張昭論將以魯肅為麓

疎漢書孫弘封平津侯詳 言路開則忠言讜論得以上

達而化理成 言路閉則奸諛邪佞得以下恣而治道

隳並獻 城門閉言路開 城門開言路閉宋靖康時事詳宋史

事紀

淵鑑類函卷二百九十六

人部

淵鑑類函卷二百九十六

諫

諫四
 魏志明帝時百姓稠置而役務方殷衛覬上疏
 曰非破家為國殺身成君者誰犯顏色觸忌諱
 云云開取部大鼎於宋滅哀伯諫
 不諫附
 對見 對問

流鑑類函卷二百九十七

人部五十六

諫四

諫四

原開說

魏志明帝時百姓稠置而役務方殷衛覬上疏曰非破家為國殺身成君者誰犯顏色觸忌諱

建一

建一說哉 違不忘諫 云云開取部大鼎於宋滅哀伯諫

有後於魯乎君違

不惡切諫 博觀忠臣不避重誅以

不 諫 詢于芻蕘詩

詢茲黃髮 書 師氏詔王 周禮師

嫩 道 王 注 告 王 以

小人箴 書 無 或 敢 伏

善 道 也 嫩 古 美 字 以

小人箴 書 無 或 敢 伏

色 唐 書 太 宗 神 采 英 毅 羣 臣 進 見 者 皆 失 舉 措 太

爭

枉 直 又 知 之 每 見 人 奏 事 必 假 以 辭 色 冀 聞 規 諫 以 周 內 窮

諫

樂告願因側身懼變之時明憲
 老乞言之禮必有嘉謀來助初政
 太宗嘗謂王珪曰正嘉謀來助初政
 主亦不可謂王珪曰正嘉謀來助初政
 幸諸公數相諫正庶致天下於太平
 有爭臣七人諫不用則相繼以死
 今若令諫官每聞一事皆諫處采問
 請宋史慶曆三年田況言諫官入閣
 諫官得隨中書門下及三品官入閣
 今若令諫官每聞一事皆諫處采問
 中外以言為諱書
 高宗既封泰山欲徧封五嶽作奉天宮於嵩山之南
 史裏行李善感諫曰陛下封泰山告太平致羣瑞與三
 王五帝比隆矣數年不稔飢孽相望陛下莫不失望上不
 納自緒遂良韓瑗之死中外以言為諱
 諱幾二十年及善感始諫天下皆喜
 閣中奏事久廢
 又穆宗立不恤國事鄭覃與崔郾等廷對進諫帝不懌
 顧宰相蕭俛曰是皆何人俛曰諫官也帝意解因詔覃

曰閣中殊不款款後有為我言者當見
 卿延英時閣中奏事久廢至是士相慶
 鐵木迭兒奏比詔內外直言得失今上封事者或徑至
 御前乞令臣等閱視乃入奏仁宗曰言事者當直至御
 前如細民訴
 不由門下
 諫文類聚宋王巖叟遷左司
 協士望者公方權給事中即繳奏既而命下遂不由門
 下省以出公復上疏云命令斜出尤損紀綱凡八上章
 命竟疏辭密封唐書德宗使趙憬陳論當密封手疏以
 聞贊上奏曰昨有臣所奏惟憬得聞陛下委曲防護是即
 心膂之內尚有形迹之拘職同事殊鮮克以濟恐爽無
 私吝之德且傷不進揭帖於便殿論之曰宗嘗召劉大夏
 欲名揭帖以朕大夏對曰不敢上問何也曰臣下宜遠法帝
 進朝法祖宗事之可外付府部內咨閣臣可也如用
 王近法祖宗事之可外付府部內咨閣臣可也如用
 揭帖上祖宗事之可外付府部內咨閣臣可也如用
 世法臣下祖宗事之可外付府部內咨閣臣可也如用
 人部

諫

三

頗厭其數後因對自訟曰陛下用臣豈欲徒事納諫之
虛名邪臣竊取尸祿請得罷去帝撫諭良久曰司諫
魯直曰諫行足矣以知制誥韓忠獻為右司諫朝廷
因取美官嘉王酒悲

非本意也嘉王酒悲
宴宣華院嘉王宗壽以社稷為言夜酣飲嘗以九日
嘉王酒悲爾諸狎客共以慢言朝譁之坐上前論事
能省希憲木強無少回惜帝曰公昔事朕王多所切

容受今為天子臣乃爾木強邪希憲對曰王多所切
天下事重一或面從天下將受其害臣非不自愛也

前後章十九上宋史仁宗時范鎮請建儲前後章
疏數十萬言又真德秀立朝不滿十年奏疏將數十萬
誦其文想六月二十餘奏又魏了翁在朝凡六

見其風采又建中靖國間給事中任伯雨為誠結
歲一百八疏右正言半歲之間凡上一百八疏

主知元史竇默嘗與劉秉忠劉肅商擬侍上前默言君
曰復侍帝於帷殿獵者失一鵲帝怒以為否非善政也明
謂宜加罪帝惡其迎命杖之釋獵者不問既退大言
或入又虞集每承頭問及古今安得感悟至此諫

不樂家人見其四鐵御史
然不問其故四鐵御史
甚性復而險阿諛時相會彗星見遂極論汪大為腹
心彗并及二相上憲甚速下詔獄律斬時汪驟遷太宰
尋當論決例會審南關門汪太宰怒謂汝上書欲死我持
公轉膝面之公即起立不跪太宰怒曰汝重臣公曰大臣
死今不在我手耶公叱曰若安能死我即重臣公曰大臣
而無君人得誅之何但叱為太宰怒甚推案下欲拳

其膝鐵也其聲益厲觀者咸噴噴稱歎曰是御史始者以
目公為四鐵御史上所使詞事者覺其膽與骨皆鐵矣因
人部

諫

雷州一則輔政者諛郭翊國競為巨蠹二則凍餒之民者憂恤而為方士修雷壇三則大小臣工弗觀朝儀宜慰其望四則名器濫及道流出入禁內五則挫折諫臣上震怒逮北鎮撫司推究五年上度修萬靈明庭之儀祝釐得仙箕釋此三人者遂與周怡劉魁同釋隨繫三年始得釋

謗諫

原設木防川 通鑑前編堯設謗諫之木使天下得攻備巫使監謗者以告則殺之國人莫敢言道路以目王喜告召公曰吾能弭謗矣召公曰是障之也防民之口甚於防川川壅而潰傷人必多

惡訕 賞謗者 論語惡居下流而訕上曰有謗議於市朝聞 相彼君子猶惡稱人之惡 矧寡人之耳者受下賞

伊忠臣豈宜揚主之過

並白

增如石投水

唐書李綱

得太子建成昵近小人綱屢諫不聽乞歸帝曰卿向者為潘仁長史乃取為朕尚書邪綱曰潘仁賊也每欲妄殺臣諫之輒止為其長史可以無愧陛下創業明主臣所言如石投水于太子亦然臣何敢久污天臺辱東朝乎帝改 有益於國 已過今之封事謗木比也使所言是有益於國使所言非無累於朝 狂夫之言 又中牟陸下何遽加斥逐以言非塞言路 狂夫之言 丞皇甫德參上言修洛陽宮勞人收地租厚斂俗好高髻蓋宮中所化太宗怒謂房元齡等曰德參欲治其謗訕之罪不收斗和官人皆無髮乃可其意邪欲治其謗訕之罪魏徵諫曰賈誼尚漢文帝時上書云可為痛哭者一可狂夫之言聖人擇焉太宗不激切不能動人主之心所謂除妖謗法 魏志文帝踐祚以高柔為治書侍御史殺而賞告者柔上疏請除妖謗賞告之法帝下 何廷詔敢以誹謗相告者以所告罪罪之於是遂絕

折我唐書柳範貞觀中為侍御史時吳王恪好田獵範
曰房元勳事陛下猶不能諫止曰獵豈獨罪萬紀帝怒
拂衣起項之名謂曰何廷折我範謝曰主聖則臣直帝
乃誦謗削籍 燕翰林學士嘉靖時程文德疏辭勸上
解不稱旨調南京工部侍郎文德疏辭勸上
享安靜和平之福上益怒以為誦謗命削籍

不諫附

原陷主漢書汲黯曰天子置公卿輔解之臣寧
棄君令從諛承意陷主於不義乎 左傳君

子謂華元樂舉於是 不臣君生則縱其 增責以不諫

欲死又益其侈是棄君於惡何臣之為

求之不言唐書太宗時杜淹言鄧懷道可用帝問狀
都羣臣迎阿獨懷道執不可帝曰卿時何云曰臣與眾
帝折曰事君有犯無隱卿直懷道者何不謹言謝曰臣
位下又顧諫不從徒死無益帝曰既以君不足諫尚何
仕食隋粟忘隋事忠乎帝又笑問曰卿在隋不諫宜世

充親任胡不言對曰固嘗言不見用帝曰世充悞諫飾
非卿若何而免淹辭窮不得對帝勉曰今任卿已可有
諫未答曰願無隱 宋史仁宗詔曰朕於卿大夫才不
能盡知面不能盡識若不采其言而觀其行審其意而
察其忠則何以見器識之淺深知任用之得失 原寧
若言之不入罪實在予苟求之不言咎將誰執

違忤以納善豈順從而忘危 帖白 事上以忠則宜

身許陷君於惡何用臣為 苟賴其榮是為尸利

不匡其失宜及墨刑禮近而不諫則尸利也 陳忠諫

之言猶聞有賞廢獻替之義安得無辜 君子立誠

猶不成人之惡忠臣勵節豈可從君之昏 增大臣

重祿而不極諫小臣畏罪而不敢言 並經濟 甘心

立仗之馬啗口朝陽之鳳 唐書李林甫謂諫官曰公

人部

諫

終日無聲飲三品芻豆一鳴則斥之

原禍受其咎傳

醫和謂趙孟曰國之大臣禁其寵祿有災禍興而無

改焉必受其咎今君浮以生疾主不能禦天命不佑

增猶踵弊風一唐書高祖考第羣臣以李綱孫伏伽為第

下朕即位以來每虛心求諫唯李綱差盡忠款孫伏

伽可謂誠直餘人猶踵弊風俛首而已豈朕所望哉

宣獨無事又高宗嘗謂五品以上曰頃在先帝左右見

諫五

增詩宋石介慶曆聖德詩曰於惟慶曆三年三月皇帝

龍興徐出闡闡晨坐太極晝開閭闔初聞皇帝蹙然言

曰予祖予父付予大業予恐失墜實賴輔弼汝得象殊

重慎微密汝仍相予笙鏞斯協昌朝儒者學問該洽汝

貳二相庶績成秩惟汝仲淹汝誠予察為予司諫正予

門闡為予京兆聖子讒說予晚得弼子心弼悅以道輔

予弼言深切諫官一年疏奏滿篋侍從周歲忠力塵竭

曰衍汝來汝子黃髮事予二紀毛禿齒豁心如一分率

履弗越遂長樞府兵政無蹶予早識琦琦有奇骨其人

渾朴不施剗可屬大事敦厚如勃琦汝副衍知人予

哲惟修惟靖立朝轍轍言論礫石忠誠特達屢進直言

以補予闕素相之後含忠履潔昔為御史幾叩予榻襄

雖小官名聞予徹剛守粹慤與修儔匹並為諫官正色

在列上倚輔弼司予調燮下賴諫諍維予紀法左右正

人無有邪孽予望太平日不逾浹時呂夷簡罷相章得象晏殊賈昌朝韓琦

范仲淹富弼同時執政而歐陽修蔡襄王素並為諫官夏竦既拜復奪之以杜衍代介喜曰此盛事也乃作此詩

原賦唐謝偃惟皇誠德賦曰惟皇王之迭代信步驟之

殊規莫不慮失者常得懷安者必危是以戰戰慄慄日

慎一日守勤守儉去奢去逸外無荒禽內無荒色惟賢

是授惟民斯卹則三皇不足四五帝不足六若夫恃智

驕力狠戾倔強忠良是棄諂佞斯獎構崇臺以造天穿

深池而絕壤厚賦重役積寶藏錕無罪加刑有功不賞

則夏桀可二殷辛易兩

原表魏曹植諫伐遼東表曰臣伏以遼東負岨之國勢

便形固帶以遼海今輕軍遠攻師疲力屈彼有其備所

謂以逸待勞以飽制饑者也以臣觀之誠未易攻也若

國家攻而必剋屠襄平之城懸公孫之首得其地不足

以償中國之費虜其民不足以補三軍之失是我所獲

不如所失也諫其不拔曠日持久暴師於野天時難測

水濕無常彼我之兵連於城下進則高城深池無所施

人部

諫

其功退則歸塗不通道路沮洳東有待學之吳西有伺隙之蜀吳起東南則荆陽騷動蜀應西境則雍涼參分兵不解於外民罷困於內促耕不解其饑疾蠶不救其寒夫渴而後穿井饑而後植種可以圖遠難以應卒也臣以為當今之務在於省徭役薄賦斂勸農桑三者既備然後伊管之臣得施其術孫吳之將得奮其力若此則太平之基可立而待康哉之歌可坐而聞曾何憂於二敵何懼於公孫乎今不卹邦畿之內而勞神於蠻貊之域竊為陛下不取也 齊竟陵王蕭子良上讜言表曰臣聞明臺既闢承雲之歌闡衢室爰啟南風之頌流

莫非降道燿輝紆靈浸澤陛下凝慶協圖席昌屬歷朝臨冬暖海鏡春亭選議鈞俗觀風調紀垂聽革之典降聆金之訓用能詩史無輟工頌有聞是故置四輔立七諫正國度箴王闕臣謂當今宜崇諫司專事昭塞職蹈謬譎績宣王文則優其寵秩厚其節禮庶獻鱣之美方高聖代至乃靡衣媮食曾宇雕墉商貨浮侈田萊蕪替械樸爽流標梅失序勉民觀俗之宜設官立事之要隨闕興規袞廢能補則壤詠無遠轅樂可追 **增**唐魏徵論太宗十漸疏曰陛下貞觀之初無為無欲清靜之化遠被遐荒考之於今其風漸墜何以言之漢文辭千里

之馬晉武焚雉頭之裘今則求駿馬於萬里市珍奇於域外此其漸不克終一也頃年以來意在奢縱忽忘卑儉輕用人力乃云百姓無事則驕勞役則易使自古以來未有由百姓逸樂而致傾敗者此其漸不克終二也陛下貞觀之初損己以利物至於今日縱欲以勞人雖憂人之言不絕於口而樂身之事實切於心此其漸不克終三也陛下貞觀之初唯善是與親愛君子疎斥小人今則不然輕褻小人禮重君子重君子也敬而遠之輕小人也狎而近之近之則不見其非遠之則莫知其是莫知其是則不見而自疎不見其非則有時而自昵

此其漸不克終四也陛下貞觀之初動遵堯舜捐金抵璧返朴還淳今則好尚奇異難得之貨無遠不臻珍翫之作無時不至此其漸不克終五也貞觀之初求賢若渴善人所舉信而任之取其所長恐其不及近歲以來由心好惡不省察其根源而輕爲之臧否是使守道者日疎干求者日進此其漸不克終六也陛下初登大位高居深視事惟清靜心無嗜欲數載之後不能固志雖無十旬之逸或過三驅之禮侵晨而出入夜方還以馳騁爲歡莫慮不虞之變此其漸不克終七也陛下初踐大位敬以接下君恩下流臣情上達頃年以來多所忽

略或外官充使奏事入朝思覩闕庭將陳所見欲言則
顏色不接欲請則恩禮不加間因所短詰其細過雖有
聰辯之略莫能申其忠款此其漸不克終八也頃年以
來微自矜放恃功業之大意蔑前王負聖智之明心輕
當代此傲之長也欲有所為皆取遂意縱或抑情從諫
終是不能忘懷此欲之縱也志在嬉遊情無厭倦此樂
將極也遠勞士馬問罪遐裔此志將滿也此其漸不克
終九也貞觀之初頻年霜旱畿內戶口並就關外攜負
老幼來往數千曾無一戶逃亡一人怨苦頃年以來疲
於徭役關中之人勞弊尤甚和市之物不絕於鄉閭遞

送之步不絕於道路恐百姓之心不能如前日之寧帖
此其漸不克終十也 陸贄對德宗問當今切務疏曰
為下者莫不願忠為上者莫不求理然而下每苦上之
不理上每苦下之不忠若是者何兩情不通故也下恒
苦上之難達上恒苦下之難知若是者何九弊不去故
也所謂九弊者上有其六而下有其三好勝人恥聞過
騁辯給眩聰明厲威嚴恣強愎此六者君上之弊也諂
諛顧望畏愼此三者臣下之弊也上好勝必甘於佞辭
上恥過必忌於直諫如是則下之諂諛者順旨而忠直
之語不聞矣上騁辯必勤說而折人以言上眩明必臆

度而虞人以詐如是則下之顧望者自便而切磨之辭不盡矣上顧威必不能降情以接物上恣愎必不能引咎以受規如是則下之畏愼者避辜而情理之說不伸矣有九弊居其間則上下之情不通是使亂多理少從古以然昔趙武啲啲而為晉賢臣絳侯木訥而為漢元輔人之難知堯舜所病胡可以一酬一詰而謂盡其能哉元稹獻事表曰臣聞理亂之始各有萌象二者無門在君上啟之而已所謂萌象豈有他哉容直言廣視聽躬親庶務委信大臣使左右近習者不敢蔽疎遠之臣庶此理之象也大臣不親直言不進抵忌諱者殺犯

左右者刑與一二近習者決事於深宮之中羣臣莫得參預籌畫此亂之萌也昔太宗文皇帝初即位時天下之人莫有諫者唯孫伏伽嘗以小事特諫於上文皇帝大悅厚賜田宅以勉之自是言者唯懼乎言不直諫不極不能激文皇之盛意曾不以觸龍鱗犯忌諱為不可矣於是房杜王魏之徒議可否於前天下四方之人言得失於外不三四年而天下大理豈文皇獨運聰明於上哉蓋亦羣下各盡其忠言以揚宣發暢於天下也且夫樂安全而惡戮辱古今之情一也豈獨貞觀之人輕犯忌諱而不惡戮辱哉蓋文皇激而進之之功也喜順

從而怒謇犯亦古今之情一也豈獨文皇甘逆耳而怒從心哉蓋以順從之利輕而危亡之禍大無窮之業重而奉已之事微思爲子孫垂不朽建永安之計也陛下即位以來幾周歲矣百辟卿士至於天下四方之人曾未有獻一計進一言受陛下伏伽之賞者左右前後拾遺補闕亦未有奏一封執一諫受陛下激而進之之勸者設諫鼓置匭函曾未聞雪一冤決一事明陛下無幽不燭之意者臣竊惟陛下以受命維新之初何如貞觀致理之後以房杜王魏匡輔之智而猶上封進計者薦至獻可替否者日聞今陛下當致理之初在四方多虞

之日然而言事進計者終歲無一人豈非羣臣因循竊位之罪乎 宋蔡襄增置諫官疏曰臣伏見朝廷選用王素余靖歐陽修等增備諫官是三人者皆特立之士擯斥且久今者一日並命萬口相慶臣切思任諫非難唯用諫之難如素靖修等忠誠剛氣著信於人况蒙陛下獎拔之知必思所以報效然邪人惡之必有禦之之說不過曰某人也好名也好進也彰君過也臣請爲陛下辨之一曰好名夫忠臣務盡其心事有必須切直者則極論之豈顧名哉若避好名之毀而無所陳施則土木其人皆可備數何煩陛下選揀如此之至况名者聖

人以之勵世俗分善惡豈可廢乎借使爲善近名陛下
試思今之人遠權利敦潔行者亦幾人哉二曰好進前
古諫臣之賢者遭遇昏世上犯威嚴死且不避安得好
進蓋近來諫官進用太速故世人得以謂之好進今諫
官有盡忠補闕之效陛下但久而勿遷使其人果忠且
義雖死於是官無恨矣一曰彰君過凡諫諍之名蓋以
司乎過舉也緩則密疏急則昌言期於必正若人主從
而行之適以彰乎從諫之美安得謂之彰過乎然諫官
亦有好名好進彰君過者異於此巧者之爲諫臣事之
難言者則喑而不言擇其無所忤者言之就令不行不

復再議退而曰其事我嘗言之矣此可謂之好名也容
容默默無所恥愧踐歷資序以登貴仕此可謂之好進
也凡人主之有過諫官最爲近密或不盡言人主何從
而知且變更乎傳之當世垂之於後終以爲過此可謂
彰君過也臣之所論乃忠臣巧者之分願賜省覽無使
天下之人謂朝廷有好諫之名而無好諫之實也 程
頤輔養君德疏曰陛下春秋方富雖睿聖得於天資而
輔養之道不可不至大率一日之中接賢士大夫之時
多寤宦官宮妾之時少則氣質變化自然而成 李綱
請高宗還都疏曰自古中興之主起於西北則足以據

中原而有東南起於東南則不能復中原而有西北蓋
天下精兵健馬皆在西北若委中原而棄之豈惟金人
將乘間以擾內地盜賊亦將蜂起爲亂跨州連邑陛下
雖欲還闕不可得矣況欲治兵勝敵哉 明王恕請召
見大臣疏曰正統以來每日止一朝臣下進見不過片
時聖主雖聰明豈能盡察不過寄聰明於左右左右之
人與大臣相見者不多亦豈能盡識大臣賢否或得之
毀譽之言或出於好惡之私欲察識之真必須陛下日
御便殿宣召諸大臣詳論治道謀議政事或令其專對
或閱其章奏如此非惟可以識大臣而隨材任使亦可

以啟沃聖心而進於高明矣 王守仁救建言諸臣疏
曰戴銑等職居司諫以言爲職其言而善自宜嘉納如
其未善亦宜包容以開忠謹之路乃今赫然下令遽事
拘囚在陛下之心不過少示懲創使其後日不敢輕率
妄有論列非果有意怒絕之也下民無知妄生疑懼在
廷之臣莫不以此舉爲非然莫敢爲陛下訟言者豈其
無憂國愛君之心哉懼復以罪銑者罪之耳臣恐自茲
以往雖有上關宗社危疑之事陛下孰從而聞之況今
天時凍沍萬一遣去官校督束過嚴銑等在道或遂失
所填溝壑使陛下有殺諫臣之名然後追咎左右莫有

言者則既晚矣伏願追收前旨使銑等仍供舊職擴大
公無我之仁明改過不吝之勇豈不休哉時戴銑等以
攻劉瑾逮繫
馮恩辨敢言非邪徒疏曰陛下必不忍以敢言之士
為邪徒此殆左右奸佞欲售其說者陰詆之耳今天下
士風日敝以緘默為老成以順從為平易以特立為矯
激有所建白咸指為沽名言及左右輒置之遠謹不惟
父母妻子恐其不能持祿保身而朋友故舊絕跡往來
以避權臣之怒陛下尚猶以邪徒目之乎陛下服歷大
位九年於今矣以為治邪亂邪安邪危邪近畿輔關陝
河洛赤地千里人且相食矣兩淮旱蝗草莖木葉亡子

遺矣江省大水歲課不登爭流竄矣閩海叛卒致殺長
官矣地震星孛產妖作異草木變怪禽獸為孽置郵不
絕書靈臺不絕奏陛下不之卹而沾沾焉以為治安
今日頒手詔明日降勅諭欲以追前王軼後世臣故知
其不可也願速開言路以堯舜之用元凱為勉而以唐
宋之徇林甫安石為戒
書秦李斯上書諫始皇曰臣聞吏議逐客竊以為過
矣昔者穆公求士西取由余于戎東得百里奚于宛迎
蹇叔于宋求丕豹公孫支于晉此五子者不產于秦穆
公用之并國三十遂霸西戎惠王用張儀之計拔三川

人部

諫

之地西并巴蜀北收上郡南取漢中包九夷制鄢郢東據成臯之險割膏腴之壤散六國之從使之西面事秦功施到今昭王得范雎廢穰侯逐華陽強公室杜私門蠶食諸侯使秦成帝業皆以客之功由此觀之客何負於秦哉今陛下致崑山之玉有隋和之寶垂明月之珠服太阿之劍乘織離之馬建翠鳳之旗樹靈鼉之鼓此數寶者秦不產一焉而陛下悅之必秦國之所生然後可則是夜光之璧不飾朝廷犀象之器不爲翫好而駿馬馱馱不實外廩也所以飾後宮充下陳娛心意悅耳目者必出於秦然後可則是宛珠之簪錦繡之飾不進

於前而趙女不立於側也所重者在乎色樂而所輕者在乎人民此非所以跨海內制諸侯也 漢鄒陽上書諫吳王曰臣聞蛟龍驤首奮翼則浮雲出流霧雨咸集聖王砥節修德則游談之士歸義思名今臣盡智畢議易精極慮則無國而不可干飾固陋之心則何王之門不可曳裙乎然臣歷數王之朝背淮千里而自致者非惡臣國而樂吳民也竊高下風之行尤悅大王之義故願大王無忽察聽其言夫全趙之時武力鼎峙袷服叢臺之下者一旦成市不能止幽王之沈患淮南連山東之俠死士盈朝不能還厲王之西也然則計議不得雖

諸賁不能安其位亦明矣今漢據全秦之地兼六國之衆大王之所明知也諂諛之臣爲大王計者不論骨肉之義民之輕重國之大小以爲吳禍此臣所以爲大王患也夫舉吳兵以訾於漢譬猶蠅蚋之附羣牛腐肉之齒利劍鋒接必無幸矣枚乘上書諫吳王曰得全者昌失全者亡舜無立錐之地以有天下禹無十戶之聚以王諸侯湯武之土不過百理上不絕三光之明下不傷百姓之心者有王術也夫以一縷之任係千鈞之重上懸無極之高下垂不測之深雖甚愚之人猶知哀其將絕也人有畏其影而惡其跡者却背而走跡愈多影

愈疾不知就陰而止影滅跡絕欲人勿聞莫若勿言欲人勿知莫若勿爲福生有基禍生有胎納其基絕其胎禍何自來夫銖銖而稱之至石必差寸寸而度之至丈必過磨礪砥礪不見其損有時而盡種樹畜養不見其益有時而大積德累行不知其善有時而用棄義背禮不知其惡有時而亡司馬相如上書諫武帝曰物有同類而殊能者故力稱烏獲捷言慶忌勇期賁育臣之愚暗竊以爲人誠有之獸亦宜然今陛下好凌阻險射猛獸卒然遇軼材之獸駭不存之地犯屬車之清塵輿不及還轅人不暇施巧雖有烏獲逢蒙之伎力不得施

用枯木朽株盡為難矣夫輕萬乘之重不以為安而樂出萬有一危之塗以為娛臣竊為陛下不取也蓋明者遠見於未萌而智者避危於無形禍固多藏於隱微而發于人所忽也鄙諺曰家累千金坐不垂堂斯言雖小可以喻大 谷永與王音書曰夫上德厚則下愛深下愛深則其謀忠其言至蓋善治國者不忘危善養生者不諱死是以忠臣直友明史良醫靈著信龜咸得盡忠正言不蔽兆吉故能遷咎延譽轉禍為福 唐杜牧與人論諫書曰某疎愚放惰不識機括獨好讀書每見怒諫而激亂生禍者累累皆是納諫而悔過行道者不

能百一何者皆以辭語迂險指射醜惡致使然也夫迂險之言近於誕妄指射醜惡足以激怒夫以誕妄之說激怒之辭以卑凌尊以下干上是以諫殺人者殺人愈多諫敗獵者敗獵愈甚諫治宮室者宮室愈崇諫任小人者小人愈寵觀其旨意且欲與諫者一鬪是非一決怒氣耳今人平居無事友朋骨肉切磋規誨之間尚宜旁引曲釋亶亶繹繹使樂去其不善而樂行其善況於君臣尊卑之間欲因激切之言而望道行事治者乎宋歐陽修與高司諫若訥書曰前者范希文貶官後與足下相見於安道家足下詆誚希文為人予始聞之疑

是戲言及見師魯亦說足下深非希文所為然後其疑遂決希文平生剛好學通古今其立朝有本末天下所共知今又以言事觸宰相得罪足下既不能為辨其非辜又畏有識者之責已遂隨而詆之以為當黜是可怪也夫人之性剛果懦軟稟之於天不可勉強雖聖人亦不能以責人之必能今足下家有老母身惜官位懼饑寒而顧利祿不敢一忤宰相以近刑禍此庸人之常情不過作一不才諫官爾雖朝廷君子亦將閔足下之不能而不責以必能也今乃不然反昂然自得了無愧畏便毀其賢以為當黜庶乎飾已不言之過夫力所不

敢為乃愚者之不逮以智文其過此君子之賊也昨日安道貶官師魯待罪足下猶能以面目見士大夫出入朝中稱諫官是足下不復知人間有羞恥事爾所可惜者聖朝有事諫官不言而使他人言之書在史冊他日為朝廷羞者足下也分陳亮上孝宗書曰藝祖皇帝平定四方藩鎮拱手以趨約束財歸於漕司而兵各歸於郡朝廷以一紙下郡國如臂之使指無有留難兵皆天子之兵財皆天子之財官皆天子之官民皆天子之民紀綱總攝法令明備郡縣不得以一事自專也士以尺度而取官以資格而進而二百年太平之基從此而立

故常嚴廟堂而尊大臣寬郡縣而重守令於文法之內未嘗折困天下之富商巨室於格律之外有以容獎天下之英偉竒傑皆所以助立國之勢而爲不虞之備也
又曰夫吳蜀天地之偏氣錢塘三吳之一隅當時論者固已疑其不足張形勢秦檜又從而備百司庶府以講禮樂於其中其風俗固已華靡士大夫又從而治園囿臺榭以樂其生於干戈之際上下晏安而錢塘爲樂國矣一隙之地本不足以容萬乘而鎮壓且五十年山川之氣蓋亦發泄而無餘矣

原序梁元帝忠臣傳諫諍篇序曰富貴寵榮人所不能

忘也刑戮流放人所不能甘也而士有冒雷霆犯顏色投鼎鑊離刀鋸而不避者其故何也蓋傷茫茫禹跡毀於一朝赫赫宗周滅成禾黍百姓之後王化漸頽欽若之信旣盡解網之仁已泯徒以繼體所及守器攸歸出則清警傳路處則憑玉負宸事無暫舛意有必從惑壞人之巧笑迷陽阿之妙舞重之以剗斲用之以逋逃亦有傾天滅地汙宮瀝社之罪拔本塞源裂冠毀冕之釁於是策名委質守死不二之臣不忍見霜露麋鹿栖於宮寢麥穗黍離被於宗廟故瀝血抽誠披胸見款赴焦爛於危年甘滅亡於昔日冀桐宮有返道之明望夷無

不言之恨而九重懸遠百雉嚴絕丹心莫亮白刃先指見之者掩目聞之者傷心然後鳴條有不收之魂商郊致白旗之戮增明歸有光送周給事興叔序曰今天下之用人與士之為天下用與古異者其求之與為其求者皆非古之所宜有蓋古之士上之人知重之也故士亦有以自重而不輕於進今世則自進而已雖然有至於今而不可易者亦嘗有自重之義存乎其間而後可以任天下之事臨安周興叔以進士為令江南入為給事中時宰慕其名欲邀致之門下興叔即引疾以去先皇帝之末年朝廷方舉遺逸會新天子即位一時雲

集闕下莫不驟致顯擢興叔宜以時起以觀天子之新政而方且高卧自若國家故事大臣之在告者非有名不得入其非三品以上凡在廷之臣賜告者皆自赴闕而後天子命以職二年冬興叔未赴闕也而除書獨下於是乃應命而出興叔可謂得古自重之義矣余官吳興往來臨安嘗訪興叔於西湖故寺中讀書著文山深徑迂人跡所不至臨安士大夫皆高尚其道今興叔之出真能自重不苟然者給事中為諫諍之臣天子既嘉獎直言人得以有所建論每下之公卿大臣亦不逆其言每奏輒行蓋遭時聖明其言之易行如此夫以其言

人部

洪鑑類考卷三百九十七

諫

三

之易行當思其言之難而後可也自古如賈誼陸贄王
吉崔寔魏徵之徒其言莫不有關於一代之治體今天
子承統繼阼屬世道一變之會天下治忽之機與人心
風俗之所趨興叔獨居深山中熟觀之久矣其必有不
徒言者以稱朝廷任屬之意某自念方徘徊於進退之
塗何足以贊興叔之行而樂興叔之道行也因為序之
云

原論漢東方朔非有先生論曰非有先生仕於吳進不
能稱往古以廣主意退不能揚君美以顯其功吳王怪
而問之先生曰談何容易夫談有悖於目拂於耳謬於
心而便於身者或有悅於目順於耳快於心而毀於行
者非有明王聖主孰能聽之吳王曰何為其然也先生
對曰昔關龍逢深諫於桀而王子比干直言於紂此二
臣者直言其失切諫其邪將以為君之榮除主之禍也
反以為誹謗君之行無人臣之禮戮及先人為天下笑
故曰談何容易故養壽命之士莫肯進也遂居深山之
間積土為室編蓬為戶彈琴其中以詠先王之風亦可
以樂而忘死矣

宋蘇洵諫論曰古者論諫常與諷
而少直其說蓋出於仲尼吾以為諷直一也顧用之之
術何如耳伍舉進隱語楚王淫益甚茅焦解衣危論秦

帝立悟諷固不可盡與直亦未易少之吾故曰顧用之
之術何如耳然則仲尼之說非乎曰仲尼之說純乎經
者也吾之說參乎權而歸乎經者也如得其術則人君
有少不為桀紂者吾百諫而百聽矣況虛己者乎不得
其術則人君有少不若堯舜者吾百諫而百不聽矣況
逆忠者乎然則奚術而可曰機智勇辯如古游說之士
而已夫游說之士以機智勇辯濟其詐吾欲諫者以機
智勇辯濟其忠請備論其效周衰游說熾於列國自是
世有其人吾獨怪夫諫而從者百一說而從者十九諫
而死者皆是說而死者未嘗聞然而抵觸忌諱說或甚

於諫由是知不必乎諷諫而必乎術也說之術可為諫
法者五理論之勢禁之利誘之激怒之隱諷之之謂也
觸龍以趙后愛女賢於愛子未旋踵而長安君出質甘
羅以杜郵之死詰張唐而相燕之行有日趙卒以兩賢
王之意語燕而立歸武臣此理而論之也子貢以內憂
教田常而齊不得伐魯武公以麋鹿脅頃襄而楚不敢
圖周魯連以烹醢懼垣衍而魏不果帝秦此勢而禁之
也田生以萬戶侯啟張卿而劉澤封朱建以富貴餌閻
孺而辟陽赦鄒陽以愛幸悅長君而梁王釋此利而誘
之也蘇秦以牛後羞韓而惠王按劍太息范雎以無王

恥秦而昭王長跪請教酈生以助秦凌漢而沛公輟洗聽計此激而怒之也蘇代以土偶笑田文楚人以弓繳感襄王蒯通以娶婦悟齊相此隱而諷之也五者相傾險波之論雖然施之忠臣足以成功何則理而論之主雖昏必悟勢而禁之主雖驕必懼利而誘之主雖怠必奮激而怒之主雖懦必立隱而諷之主雖暴必容悟則明懼則恭奮則勤立則勇容則寬致君之道盡於此矣吾觀昔之臣言必從理必濟莫若唐魏鄭公其初實學縱橫之說此所謂得其術者歟噫龍逢比干不獲稱良臣無蘇秦張儀之術也蘇秦張儀不免為游說無龍逢

比干之心也是以龍逢比干吾取其心不取其術蘇秦張儀吾取其術不取其心以為諫法

對見一

原 殿坐

庭詰

魏志鍾繇字元常有疾拜起不便時華敬亦以高年疾病朝見皆使載輿上殿

就坐自是三公有疾以為故事

衣褐見

漢書弘曰齊人多詐始與臣敬曰臣衣帛與妻敬鮮衣

等議而

被酒伏

敬曰臣衣帛與妻敬鮮衣

衣褐見不取易衣

後漢書

劉寬字文饒每引見講經

常於坐被酒睡伏帝問

盤辟

魏書游楚為隴西太守以

大責重憂

贊引

漢書張湯每朝奏事天

畫接

盱食

易畫日三接漢書張湯每朝奏事天

人部

對見

對見

對見

敷奏

延訪

前書敷奏以言通鑑

字於上前

讀於

上前漢書夏侯勝質補守正簡易無威儀見時謂上為

讀羣書於前上器其上前背議御前面折上詳前

能賜以祕書之副其嗜酒闊達政言時醉在陛下善

御前而折同列張為其人嗜酒闊達政言時醉在陛下善

言天子休命漢書夏侯勝嘗見出道上語上聞讓勝

下至今見誦臣以為可增不拜不跪唐書盧鴻宇

傳故傳之也下見書宰相遺舍人問狀答曰禮者

開元初徵至京謁見不拜宰相遺舍人問狀答曰禮者

忠信所薄臣敢以忠信見獻徵錄明洪武初刑部尚

書錢唐正色曰以講虞書升座而講或糾唐草野不知君

上簾納陛障嘉貞儀止秀偉奏對侃侃后殿以簾自

請曰臣草茅之人未覩朝廷儀陛之道有未盡也后曰善詔

天威咫尺若隔雲霧恐君臣之道有未盡也后曰善詔

不以名呼又以端軀洪大宮庭階祀稍峻特令為端拱

陛設座臨軒宣諭浩力疾入對即詔毋拜設座

殿陛之東若有咨謀然後進對入唐書元宗初立實禮

大送他相殊禮密語朝及陛見陳受命無功并陳

莫如也觀意感慨涕伏未起謁者欲宣旨帝遽曰朕

所以入觀意感慨涕伏未起謁者欲宣旨帝遽曰朕

當延英待卿舊儀閣中羣臣未退宰相不奏事稱賀則

謁者宣大夏為兵部尚書知無不言言無不用每朝罷

劉忠宣大夏為兵部尚書知無不言言無不用每朝罷

預聞者嘗對自且至午德確時事雖公輔貴近有朝罷

祭扶掖而出嘗有朝士賦詩曰當時密晚坐夕對

語人不知左右惟聞至尊羨蓋紀實也晚坐夕對

宋史王曾為翰林學士真宗嘗晚坐承明殿召對夕對

既退使內侍論曰嚮思卿甚故不反朝服見卿對夕對

我為慢也其見尊禮如此又神宗名鄭薦夕對內東

人命草吳奎知青州及張方平趙抃參政事三制賜雙

人部

對見

燭送歸舍人院 外廷無知者 扶醉 送歸 元史謝讓為刑部尚書 臣加正議大夫入謝賜以卮酒讓痛飲之帝曰人言老 尚書不飲何飲耶讓曰君賜不敢違也少頃醉不能立 命扶出之 宋史晁迥字明遠太宗時為翰林 學士進承旨嘗夜召對令內侍持燭送歸院 對 廢坐論 五代史漢乾祐中令常參官轉對陶穀上 昌言徒讀天聰無益時政欲乞停轉對在朝羣臣有所 間見即許不命坐面議之從容賜茶而退唐及五代猶 遵此制及宋太祖即位宰相范質等憚帝英睿每事輒 具劄子進呈始 賜對 請對 唐書李絳為中書舍人 廢坐論之禮 元和中左拾遺楊歸厚嘗請對曰何月 不賜對絳言臣飽食不言自為計得矣願聖治何有 明日對三殿 元和中左拾遺楊歸厚嘗請對曰何月 帝令他日見固請不肯退既見極論中人許 遂振之姦又歷詆輔相求自試帝怒其輕肆 開廣言 路 歷陳時政 宋史賈黯字直孺備位諫官果於言事 秦諫官御史跡既疎遠未嘗預聞時政

非所以開廣言路請如唐太宗用王珪魏徵故事每執 政奏事聽諫官一人隨入執政又患言官旅進論議上 前不肯從乃詔凡欲合班入殿者皆稟中書俟旨黜論 以為不得聞外事見言事者獨諫官御史若然言路將 下怨為吏部尚書怨至京庶吉士鄒智往語之曰三代 而政下人臣不得見君所以庶其有濟且公宜先請見 時矣怨不善者歷陳上前庶其有濟且公宜先請見 善其言怨 立紫宸 對延英 韓愈元和聖德詩序曰與 帝穆之光 唐書苗晉卿拜時中病蹇乞間日入政事 帝穆之光 唐書苗晉卿拜時中病蹇乞間日入政事 對見二 長者之言 後漢書詔問光祿勳劉昆曰前在江陵反 致此昆曰偶然耳左右笑其 書思對命 禮史進象笏 天威 遠頽咫尺 進止有常 殿門進止有常處郎

人部

對見

對見

對見

僕射竊視之不失尺
寸其資性端正如此
揚于王庭易
不可書傳王史記
與范晔入咸陽已報使因言曰魏有張祿先生天下
士也曰秦王之國危於纍卵得臣則安然不可以書傳
也
增 汗衣 唐書李絳欲趨出帝曰朕宮中對延英帝汗衣
欲與卿講天下 獨員上殿曹尚書有崇寧元年詔六
事乃其樂也 殿上 朝紳動色 獻徵錄明世宗嗣位以廷薦救召致仕
京陛見上注視久之 召對不名 元史成宗即位語阿
朝紳皆動色相慶 雖名賜坐視諸侯王等 閣中咨
真得大體自是台對不名賜坐視諸侯王等 閣中咨
訪又持德幸閣中有所問授經郎以教敷成大臣子孫
對十一刻 英對宰相率漏下十一刻 對五六刻 渠年
為諫議大夫每延英奏對雖大臣率下二三
刺渠年每奏事輒五六刻乃罷天子歡甚

對問一

原 削葉 據經 蜀志孟光字子夏習漢制上有所問據
事以儒行見禮待訪大議輒據經以對不預 詳雅
明白 晉史陳若拙字敬之幼嗜學父思讓嘗令持書詣
保興守信郎太子嘉其應對之幼嗜學父思讓嘗令持書詣
時事保興年最少太祖嘗召明功臣子弟詢以軍職固辭 清
亮 唐書武后時陳子昂對明功臣子弟詢以軍職固辭 清
十 野少威儀而占對廉慨推麟臺正字金華殿子昂貌柔
名 至前入學太宗幸學宗憲與諸生俱詣進止物雅上
元帥宗翰弟也 應答如響 奏對如流 人志秀徐
上 嗟歎久之 應答如響 奏對如流 人志秀徐
名 禮部尚書歷仕仁宗宣宗震聰明絕人每奏請他尚
為 禮部尚書歷仕仁宗宣宗震聰明絕人每奏請他尚
書 皆執副本又與左右更進迭奏震兼三部尚書奏牘
愈 多皆自專對侍郎不與也 情狀委曲千緒萬端一覽
人 部

之後奏對如
 流未嘗有誤
 時帝因問
 書兵糧數備
 取紙筆具疏
 所謂頗技在
 方寸小紙細
 笏記事
 熟視之歷舉
 龍居之西華
 右無知者
 之每見必咨
 復獨對卿矣
 事早講讀官
 已不得獨對
 是不得獨對
 小冊籌兵
 寸紙訪事
 宋史李迪
 關閣命草
 右兵分赴
 方寸小冊
 取紙筆具
 所謂頗技
 方寸小紙
 笏記事
 熟視之歷
 龍居之西
 右無知者
 之每見必
 復獨對卿
 事早講讀
 已不得獨
 是不得獨

對問二

原咨訪
 吳志闕澤
 大議經典
 所疑每朝
 每朝訪之
 清問書
 增明敏
 人志辨明
 進對詞氣
 某處草當
 嘉意其黯
 弗夙具者
 下平章事
 進對失次
 見之際涕
 泗祈恩
 夙具
 祈恩
 庶官
 僚侍
 請託
 或對

淵鑑類函卷二百九十七

人部

淵鑑類函卷二百九十七

對問

七

論語集注卷之二十一

<p>四 子 思 曰 夫 天 下 之 道 一 也 而 其 理 殊 矣 夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>	<p>夫 天 下 之 道 一 也 而 其 理 殊 矣</p>
---	---	---	---	---	---	---	---

世問

書問

論語

